



VEDTEKTER TIL OPPLÆRINGSKONTORET FOR SØRE SUNNMØRE.

Vedtak på årsmøte den 9. mai 1996.

Godkjent Yrkesopplæringsnemnda 1996.

Endra på årsmøte i mars 2002.

Endra på årsmøte 28.mars 2008.

Endra på årsmøte 18.mars 2013

Godkjent Yrkesopplæringsnemnda mars 2013

Endra på årsmøte 14.mars 2016

Endra på årsmøte 27.mars 2017

Endra på årsmøte 19.april 2023

Endring på årsmøte 30 september 2024

Innholdsfortegnelse

§ 1 NAMN	2
§ 2 FØREMÅL	2
§ 3 MEDLEMSKAP	2
§ 4 OPPLÆRINGSKONTORET FOR SØRE SUNNMØRE OG MEDLEMSBEDRIFTENE SITT ANSVAR	2
Kompetanse og næringsavdelinga Møre og Romsdal fylkeskommune skal:	3
Medlemsbedriftene har ansvar for	3
§ 5 ØKONOMI	3
Medlemskontingent	3
Styrehonorar	3
Løn til lærling	3
Underskot	3
Overskot	3
§ 6 ÅRSMØTE	3
Årsmøtet skal handsame følgjande saker:	4
Vedtektsendring	4
Protokoll	4
Ekstraordinært årsmøte	4
§ 7 STYRET	4
Lærlingrepresentant	4
Leiar og nestleiar	5
Andre styremedlemar	5
Styremøte	5
Vedtaksført	5
§ 8 ADMINISTRASJON	5
§ 9 VEDTEKSENDRINGAR	5
§ 10 OPPLØYSING	5



§ 1 NAMN

Kontoret sitt namn er: «Opplæringskontoret for søre Sunnmøre».
Organisasjonsform: Foreining

§ 2 FØREMÅL

føremålet til Opplæringskontoret for søre Sunnmøre er å ha ansvar for opplæring og tilrettelegging for lærlingar og lære kandidatlar i tråd med Opplæringslova og vedtektene.

Opplæringskontoret for søre Sunnmøre er eit samarbeidsorgan mellom fleire medlemsbedrifter som har teke på seg opplæringsansvar i samsvar med fastsette læreplanar i aktuelle fag.

Opplæringskontoret for søre Sunnmøre skal koordinere og støtte medlemmane si fagopplæring og medverke til at opplæringa held god fagleg kvalitet.

Opplæringskontoret for søre Sunnmøre skal representere kommunane og medlemsbedrifter ut mot elevlar i vidaregåande skule, samt vere bindeledd og kontaktperson mellom skule og lærebedrift. Opplæringskontoret for søre Sunnmøre skal aktivt arbeide med informasjonsformidling på opplæringsplassane.

Opplæringskontoret for søre Sunnmøre skal gje råd om opplæringstilbod, analysere opplæringsbehov og utvikle planar for opplæring.

§ 3 MEDLEMSKAP

Medlemmar er kommunar og ikkje kommunale bedrifter på søre Sunnmøre.

Medlemsskap gjeld påbegynt år og ut det kalenderåret. Utmelding skal skje skriftleg.

Alle lærlingar som har oppretta kontrakt gjennom/med Opplæringskontoret for søre Sunnmøre, skal fullføre si læretid gjennom dette forholdet, sjølv om bedrifta seier opp sitt medlemsforhold før kontraktfesta læretid er avslutta.

§ 4 OPPLÆRINGSKONTORET FOR SØRE SUNNMØRE OG MEDLEMSBEDRIFTENE SITT ANSVAR

Opplæringskontoret for søre Sunnmøre har som føremål å vere eit samarbeidsorgan for dei opplæringsbedriftene som er medlemmar.

Opplæringskontoret for søre Sunnmøre har ansvar for:

- søkje etter lærlingar og halde seg oppdatert med behovet for, og tilgang på, lærlingar i dei aktuelle faga
- rekruttere og informere om fagopplæring
- inngår kontrakt om opplæring og er kontraktspart
- forsikre seg om at lærlingen får fullgod opplæring og har ein intern opplæringsplan som står i samsvar med læreplanen i det aktuelle faget.
- vere med å gi råd og hjelp om konflikt oppstår i høve til læreforholdet, bistå ved heving av lærekontrakt eller ved behov for endring av lærebedrift



- vere ansvarleg for å sende oppmelding til fagprøve til kompetanse og næringsavdelinga i Møre og Romsdal på vigo i god tid før læretida går ut
- halvårssamtalar og anna fagleg oppfølging gjennom kontraktstida
- kurs og samlingar for lærlingar, instruktørar og fagleg leiarar

Kompetanse og næringsavdelinga Møre og Romsdal fylkeskommune skal:

- godkjenne lærekontrak og lærebedrift(ene) som det er inngått lærekontrakt/opplæringsavtalar med

Medlemsbedriftene har ansvar for

- varsle opplæringskontoret for søre Sunnmøre i fall opplæringa ikkje kan vidareførast grunna endringar som påvirkar læretilhøva
- legge til rette for at lærlingen får ei fullverdig opplæring og tid til å jobbe med den interne opplæringsplanen sin som er utarbeida av opplæringskontoret.
- Tilrettelegge for at lærling og instruktør kan møte på samlingar i regi av opplæringskontoret
- Den daglege oppfølginga av lærling, samt arbeidsgivaransvar.

§ 5 ØKONOMI

Opplæringskontoret for søre Sunnmøre er finansiert gjennom tilskot og medlemskontingent.

Opplæringskontoret for søre Sunnmøre er eit samarbeidsorgan som har avtale med medlemsbedriftene der tilskotet blir formidla direkte til opplæringskontoret for søre Sunnmøre, som igjen fordeler tilskotet tilbake til lærebedriftene.

Årsmøtet avgjer kor stor del av tilskotet som skal fordelast på lærebedriftene.

Medlemskontingent

Medlemskontingenten for medlemsbedriftene blir vedteke av årsmøtet

Styrehonorar

Årsmøtet avgjer storleiken på honorar til den medlemsbedrifta som har styreleiar

Løn til lærling

Løn, sosiale kostnader og andre kostnader i høve tilsetjingsforholdet skal dekkast av lærebedrifta.

Underskot

Dersom tilskotssatsane vert endra/fell bort, eller at andre tilhøve gjer at det vert underskot på driftsmidlar, pliktar medlemskommunane som er med i Opplæringskontoret for søre Sunnmøre å dekke dette underskotet etter ein fordelingsnøkkel basert på folketal i kommunane.

Overskot

Årsmøtet vedtek korleis eit eventuelt overskot skal disponerast.

Rekneskapen for Opplæringskontoret for søre Sunnmøre blir revidert av godkjend revisor som blir vald av årsmøtet.

§ 6 ÅRSMØTE

Årsmøtet er Opplæringskontoret for søre Sunnmøre sitt øvste mynde. Ordinært årsmøte skal som hovudregel gjennomførast innan utgangen av mars månad kvart år.



På årsmøtet kan kvar medlemsbedrift og arbeidstakarorganisasjonane møte med minst ein representant, i tillegg til styremedlemmane.

Ved avstemming har den valde arbeidstakarrepresentanten ei stemme. Representanten for dei ikkje kommunale har ei stemme. Medlemskommunane har ei stemme kvar.

Årsmøtet vert innkalla med minst 14 dagars varsel av styret sin leiar. Innkallinga skal vere skriftleg og ha oversikt over dei sakene som skal handsamast.

Årsmøtet skal handsame følgjande saker:

- Årsmelding
- Rekneskap med bruk av årsoverskot eller dekking av underskot
- Fastsetjing av tilskot
- Fastsetjing av årsavgift for medlemskap i Opplæringskontoret for søre Sunnmøre
- Fastsetting av styrehonorar
- Budsjett
- Val av godkjend revisjon
- Val av styrerepresentantar med personlege vararepresentantar
- Val av leiar og nestleiar
- Val av valnemnd
- Endring av vedtekter
- Andre saker nemnt i innkallinga eller som årsmøtet vil ta opp

Årsmøtet avgjer vanlege årsmøtesaker ved alminneleg fleirtal.

Vedtektsendring

Endring av vedtektene krev 2/3 fleirtal.

Protokoll

For årsmøtet blir det ført protokoll som skal underteiknast av møteleiar samt ein representant valt av årsmøtet.

Ekstraordinært årsmøte

Ekstraordinært årsmøte blir halde i fall styret finn det naudsynt, eller når meir enn 1/3 av medlemsbedriftene i Opplæringskontoret for søre Sunnmøre krev det.

§ 7 STYRET

Opplæringskontoret for søre Sunnmøre blir leia av eit styre valt av årsmøtet.

Styret skal bestå av minimum 1 medlem frå kvar kommune med personleg vara, 1 frå dei ikkje- kommunale medlemsbedriftene med vara, og 1 frå arbeidstakarorganisasjonar, med vara.

Lærlingrepresentant

Lærlingane vel sjølve 1 representant med vara. Lærlingrepresentanten vert valt for 1 år. Lærlingen har tale- og forslagsrett og stemmerett



Leiar og nestleiar

Leiar og nestleiar blir valt separat av årsmøtet og for to år om gongen.

Andre styremedlemar

Andre representantar i styret med vara, blir og valt for to år om gongen. Kvart år er minst to, men likevel høgst tre av styret sine medlemmar på val.

Styremøte

Styremøte blir halde minst tre gonger i året. Styremøte skal elles haldast når leiar eller minst tre av representantane i styret finn det naudsynt. Frå styremøta skal det førast protokoll som blir undertekna av protokollførar og leiar.

Kompetanse og næringsavdelinga i Møre og Romsdal fylkeskommune kan kallast inn til årsmøte og styremøte, og har rett til å vere tilstade med ein representant. Denne har tale- og forslagsrett, men ikkje stemmerett.

Vedtaksført

Styret er vedtaksført når fire av medlemane er til stades.

§ 8 ADMINISTRASJON

Opplæringskontoret for søre Sunnmøre har dagleg leiar.

Tilsette ved Opplæringskontoret vert tilsette av styret.

Dagleg leiar har det øvste administrative ansvaret for drifta av kontoret og skal:

- saman med dei tilsette ved opplæringskontoret drive etter instruksar og regelverk som til ei kvar tid gjeld
- førebu saker for styret, og etter avtale med styreleiar kalle inn til styremøte

§ 9 VEDTEKSENDRINGAR

Vedtektsendringar blir handsama på årsmøtet

§ 10 OPPLØYSING

Oppløysing av Opplæringskontoret for søre Sunnmøre kan berre skje på ordinært årsmøte og krev 2/3 fleirtal.

Ved eventuell oppløysing av kontoret skal alle midlar og eigendelar overførast til medlemskommunane.